

cap. II, conclusio IV, Objicies 3^o). Alii, ut Lugo (*de Incarnat.* disput. VIII, sect. VI et VII), alias explicationes exponunt, sed plus æquo difficiles aut subtiles nobis visæ sunt, et ideo has evolvere nolumus.

Unde, admissa distinctione de Rhodes, sic ad argumentum *concedo maj., distingo minor.* In decreto Incarnationis includitur quod Christus sit ex aliqua matre, *concedo*; quod sit ex hac numero matre, *nego*: prius enim cogitatur Christus nasciturus ex aliqua matre quam ex hac numero matre, et quamvis Incarnationis decretum dicat hanc numero carnem assumi, hæc caro tamen non est necessario hujus matris. Ergo...

SCHOLIUM. — Ita breviter expositis quæ fuse ac subtilius theologi scholastici disputarunt de prædestinatione B. Mariæ, hic locus esset paucis verbis ostendere quanta sit perfectio, quanta sublimitas hujus prædestinationis quam Ecclesia in precibus liturgicis summopere laudavit (*c*), quam SS Patres tam eximiis commendaverunt elogiis; sed ut intra limites compendii sistamus, illud tantum adnotare volumus quod prædestinatio B. Mariæ mire ac intime connectatur cum prædestinatione Christi, ita ut una ab alia vix separari queat. Illud præsertim elucet tum ex eo quod utriusque existentia pendeat ab uno eodemque decreto, namque Deus decernendo Incarnationem decrevit simul Christum fore nasciturum ex femina (*d*); tum ex eo quod ad unum eundemque finem fuerint præordinati, scilicet salutem animarum et redemptionem generis humani. Intendit enim specialiter Deus Mariam prædestinans, dare reginam hominibus, advocatam, matrem redemptricem quam amarent, ad

quam confugerent. (Confer, si lubet, Aug. Nicolas, Combalot, *ibidem*, de Rhodes, quæst. 1, de *Prædestinatione B. Mariæ*, passim.)

CAPUT II

DE PROPHETIIS ET FIGURIS QUÆ SPECTANT AD BEATAM VIRGINEM

Jam vidimus in capite præcedenti gloriosam Virginem mundo præexistentem in mente divina Incarnationem præmeditante ac prædefiniente. Itaque nunc lubet ipsam contemplari quasi ex mente Dei exeuntem, id est ab æternitate in tempus progredientem ipsam cum Christo semper arctissime conjunctam, ita ut ab initio mundi fuerit simul cum Messia in variis prophetiis prænuntiata, in figuris adumbrata, ac inde in toto veteri Testamento sibi præexistens. Etenim vix unum est vaticinium Messiam prænuntians quin simul aliquo modo ad beatam Virginem spectet¹. — Itaque in hoc capite quæremus utrum et quo-

¹ Hinc Aug. Nicolas inquit: « Les prophéties unissent et entrelacent si strictement les destinées de la Mère et du Fils, qu'elles obligent à les accepter ou à les rejeter ensemble, et que c'est retirer leur témoignage au Fils, que de le retirer à la mère. » Et D. Combalot (*Conf. sur la sainte Vierge, 4^e conf.*): « La bienheureuse Vierge vivait dans le conseil de la Sagesse éternelle; son nom était écrit dans la pensée du Verbe, avant que les siècles fussent sortis du sein de l'éternité; et depuis le jour où le temps comme un fleuve a commencé sa course, les destinées préparées à Marie n'ont pas cessé de consoler la terre. Jésus et Marie remplissent le passé, le présent et l'avenir. La

modo gloriosa Virgo fuerit prænuntiata ac præfigurata in veteri Testamento.

QUÆRITUR *utrum Mater Dei fuerit in veteri Testamento prænuntiata ac figurata?*

DICO : *Gloriosa Virgo fuit in variis prophetiis prænuntiata et in diversis figuris adumbrata.*

Prob. 1º ex auctoritate Patrum. — Miro consensu agnoscunt SS. Patres beatam Mariam fuisse tum in prophetiis, tum in figuris prænuntiatam.

1º Quoad prophetias, testatus est divus Cyrillus his verbis : « Te, inquit, loquens ad Mariam, prophetæ prænuntiarunt. » Consentit S. Aug. : « Sola meruit Deum et hominem paritura suscipere, facta thronus Dei et aula regis æterni, secundum quod nos docuit per sanctos suos patriarchas et prophetas. » Divus Ildephonsus simillima habet : « Spiritus sanctus, ait, de illa per prophetas prædixit, per oracula intimavit. » Item Joannes Damascenus : « Ipsa ævo omni antiquior, variis prophetarum imaginibus ac sermonibus per Spiritum sanctum adumbrata, atque ante prædicata. » Beatus Andreas Cretensis discurrens de B. Maria : « Hæc est, ait, summa divinorum oraculorum, et de te resonarunt omnes Spiritus interpretes. »

2º Quoad Figuras, afferri potest testimonium S. Sophronii de Maria dicentis : « Est figuris et ænigmatibus præsignata. » Contestatur S. Anselmus :

« Bible, pour qui sait lire ce livre venu du ciel, est pleine des destinées de la Reine des anges; ses vertus s'y réfléchissent à chaque page, et chaque mot de ce livre immortel sert, pour ainsi dire, de voile à quelqu'un des mystères accomplis dans son sein. »

« Istud, inquit, conjicio apud me, nativitatem ejus (B. V.), quam quidem ex linea generationis humanæ, non nescio descendisse, magna quædam atque miranda divinorum signorum indicia præcurrisse. » Non alius est cæterorum Patrum sensus e quibus S. Ildephonsus : « Hæc est illa Virgo gloriosa cujus ineffabile meritum longe ante figuris legalibus prænuntiabatur. » His adjunge testimonium melliflui doctoris Bernardi : « Prædica, inquit, reverendam Deiparam Angelis, desideratam gentibus, patriarchis prophetisque præcognitam, electam ex omnibus. » Demum S. Methodius plures figuras explicat, dum beatæ Mariæ loquitur : « Benedicta tu celeberrima et desideratissima, tu speciosissimi floris radix, tu porta per quam in carnem ingressus est Deus, tu purificantis carbonis forceps, tu incomprehensibilis illius roris vellus, tu Bethlehemitica illa cisterna quam velut vitæ refocillatricem David desideravit, et ex qua immortalitatis poculum mortalibus emanavit : tu propitiatorium per quod Deus humanam naturam indutus mortalibus innotuit, tu impollutum illius indumentum quo luce veluti vestimento circumfunditur. » Hæc sane testimonia plane sufficiunt ad adstruendam propositionem nostram. Ergo 1º auctoritate constat.

Prob. 2º ratione. — 1º Prophetiæ veteris Testamenti referuntur ad Christum cujus adventum, generationem, vitam, miracula, virtutes, passionem et gloriam præcunant. Porro tanta est connexio inter Matris et Filii præcipuas vitæ circumstantias, adeo arcta inter utrumque animorum societas, quod vix supponi queat prophetas Christum prænuntiasse, quin aliquando et

ipsam gloriosam Virginem adfuturam prædixerint. — 2° Ex his verbis S. Pauli : *Omnia in figuris contingebant illis*, satis patet præcipuos eventus novi Testamenti, præcipuas novæ legis dignitates, munera, fuisse aliquo modo in veteri Testamento adumbrata. Porro post personam Christi ejusque summam dignitatem, quæ sanctitas, quæ dignitas, muneri ac innocentiae Matris Dei comparetur? Ergo debuit per varias figuras prædicari. — 3° Mira existit similitudo inter Christum et Mariam, adeo ut excellentiores prærogativæ Christi, juxta quamdam proportionem, et ad ipsius Matrem pertineant, ut satis constabit in decursu Tractatus. Porro cum Christus fuerit et prænuntiatus et præfiguratus, hinc congruebat gloriosam Virginem et per prophetas et per figuras celebrari. Ergo...

Prob. 3 ex pluribus vaticiniis ac figuris. — Constat nostra propositio et clare evincitur ex eo quod de facto plures prophetiæ et diversæ figuræ ad gloriosam Virginem spectent.

1° Plures prophetiæ ad beatam Virginem referuntur. Celebris est illa prophetia per quam Adæ prævaricatori Messias promissus est (*Gen. iii. 15*) : *Inimicitias ponam inter te et mulierem, inter semen tuum et semen illius : Ipsa conteret caput tuum.* Unde sic : Illud semen de quo in textu agitur est Christus seu Messias Redemptor. Ergo mulier cujus est semen gloriosa Virgo Maria. — Non minus celebris est nec minus nota illa Isaïæ prophetia (*vii. 41*) : *Ecce Virgo concipiet*, quæ non nisi ad B. Virginem spectare potest, et ejus virginitatem clare adstruit, ut dicemus ubi de Virginitate. — His addi potest hæc prophetia Jeremiæ (*xxxii. 22*) ; *Usquequo deliciis dissolveris, filia vaga? quia creavit*

Dominus novum super terram : FEMINA CIRCUMDABIT VIRUM. Quæ ultima verba B. Mariæ per doctores applicantur. — Præterea totum Canticorum librum non solum per accommodationem, sed etiam in sensu aliquo a Spiritu sancto intento, Virginem præcinere, omnes fere Patres qui illum interpretantur intelligunt. (Conf. Suarez, *Præfatio.*)

II° Existunt multæ figuræ gloriosæ Virginis in veteri Testamento. Quid significabat paradisi voluptatis? quid arca Noe? quid rubus incombustus? quid arca fœderis? virga Aaronis, vellus Gedeonis, nisi Mariam? Quid Rebecca sponsa Isaac, quid Rachel, quid Judith, quid Esther salvatrix representabant nisi Mariam?

COROLLARIUM. — Exinde colliges varia argumenta quæ desumuntur ex veteri Testamento ad explicandum sive excellentiam gratiæ Virginis, sive cætera ipsius privilegia, non esse probationes extortas, a longe petitas, sed veras, proprias ac efficaces, quia satis constat ex dictis Virginem Mariam sensu spirituali et revera a Spiritu sancto intento in variis figuris ac prophetiis designari.

CAPUT III

DE PERFECTIONE B. MARIE IN STATU VIE

In tertio capite tractabimus tum de privilegiis externis, tum de privilegiis internis gloriosæ Virginis.